



Notat

Til
Kopi til:

Saksbehandlar: Økonomiavd./Kenneth Stokke
Vår referanse: 21/1011 - 22/5327
Dato: 12.05.2022

Emne: Oppstart av fleksible betalingsterminar på kommunale avgifter

I budsjettvedtaket for 2022 vart det vedteke i punkt 3, i den delen som vart lagt fram frå kommunedirektøren, at «Eigedomsskatten for 2022 forfell til betaling i 4 terminar saman med kommunale avgifter.»

I verbalforslaget frå posisjonen som vart vedteke, del 3, punkt j, står det «Kommunestyret ber om at det blir lagt til rette for månadleg betaling med autogiro for dei som ønskjer det frå hausten 2022».

Oppstart av dette arbeidet er godt i gang og planen er at dette vert iverksett frå oktober (4 termin faktura). Kommunen kommer til å tilby følgjande betalingsterminar:

- Fakturering og betaling 4 gonger i året (slik som i dag)
- Fakturering og betaling 1 gong i året, enten heile årsgebyret om våren, eller heile årsgebyret om hausten
- Fakturering og betaling halvårleg, ½ årsgebyr om våren og ½ årsgebyr om hausten
- Fakturering og betaling månadleg, med betaling 1 gong pr månad

Som før kan innbyggjarane velje å opprette efaktura eller avtalegiro, slik som tidlegare. Vi anbefaler at ein opprett avtalegiro, då dette ikkje krev behandling i nettbank, men dette vel ein sjølv i nettbanken sin.

Endring av betalingsterminar på kundane er ein manuell prosess. Alle vil derfor i utgangspunktet bli sett til kvartalsvis fakturering, slik som i dag. Det vert oppretta ein eigen e-postadresse som innbyggjarane kan sende epost til dersom dei ønsker å endre betalingsterminar. Denne vil bli oppretta frå august og vil bli informert om på mellom anna heimesida og evt andre kanalar.

Når det gjeld eigedomsskatten, så skal den først bli vedteke av sakkunig nemnd, etter at budsjettvedtaket er gjort. Før dette kan den ikkje fakturerast ut så dersom ein vel månadleg betaling vil januar, og muligens februar, vere utan eigedomsskatt, noko som blir tatt igjen i den påfølgande månaden. Dette avheng av kor tidleg vi får gjennomført møte i sakkunig nemnd.

Med helsing

Kenneth Stokke
Økonomisjef